



CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-02-4-126-1/25

Sarajevo, 17.03.2025. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i člana 33f. stav (2) tačka a), a u vezi s članom 33i. stav (1) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12, 32/13 i 38/22), člana 24. Zakona o internoj reviziji institucija Bosne i Hercegovine („Službeni glasnik BiH“, br. 27/08 i 32/12) i Odluke o usvajanju Strategije razvoja sistema internih finansijskih kontrola u institucijama Bosne i Hercegovine za period 2020-2025. godina („Službeni glasnik BiH“, br. 43/20), direktor Centralne harmonizacijske jedinice Ministarstva finansija i trezora Bosne i Hercegovine *donosi*

ODLUKU

o donošenju Operativnog godišnjeg akcionog plana Strategije razvoja sistema internih finansijskih kontrola u institucijama Bosne i Hercegovine za 2025. godinu

Član 1.

(Predmet Odluke)

- (1) Ovom odlukom Centralna harmonizacijska jedinica Ministarstva finansija i trezora Bosne i Hercegovine donosi Operativni godišnji akcioni plan Strategije razvoja sistema internih finansijskih kontrola u institucijama Bosne i Hercegovine za 2025. godinu (u daljnjem tekstu: Operativni godišnji akcioni plan).
- (2) Operativni godišnji akcioni plan usklađen je sa sveobuhvatnim strateškim ciljem koji se odnosi na uspostavljanje funkcionalnog i djelotvornog sistema internih finansijskih kontrola kroz ublažavanje ključnih rizika u poslovanju institucija Bosne i Hercegovine, konkretnim strateškim ciljevima, operativnim mjerama i aktivnostima utvrđenim Strategijom razvoja sistema internih finansijskih kontrola u institucijama Bosne i Hercegovine za period 2020-2025. godina (u daljnjem tekstu: Strategija).

Član 2.

(Sadržaj akcionog plana)

- (1) Operativni godišnji akcioni plan pripremljen je na osnovu Akcionog plana Strategije.

- (2) Operativni godišnji akcioni plan sadrži podatke o mjerama i aktivnostima za realizaciju utvrđenih ciljeva, nosiocima aktivnosti, rokovima za realizaciju, indikatorima uspješnosti i izvorima finansiranja.
- (3) Operativni godišnji akcioni plan za 2025. godinu sadrži i mjere i aktivnosti iz Operativnog akcionog plana Strategije za 2024. godinu koje nisu realizirane do 31.12.2024. godine.
- (4) Operativni godišnji akcioni plan sastavni je dio ove odluke.

Član 3.

(Realizacija)

Institucije BiH dužne su donijeti svoje godišnje akcijske planove za uspostavljanje i unapređenje sistema internih finansijskih kontrola za 2025. godinu u skladu s Operativnim godišnjim akcionim planom Strategije za 2025. godinu, preporukama interne revizije, preporukama Ureda za reviziju institucija BiH i internim aktima kojima su regulirale oblast internih finansijskih kontrola u instituciji.

Član 4.

(Izveštavanje)

- (1) Institucije BiH, kao nosioci aktivnosti iz Operativnog godišnjeg akcionog plana, dužne su dostaviti Centralnoj harmonizacijskoj jedinici Ministarstva finansija i trezora Bosne i Hercegovine izvještaj o realizaciji mjera iz Operativnog godišnjeg akcionog plana koje se odnose na finansijsko upravljanje i kontrolu u okviru godišnjih izvještaja o finansijskom upravljanju i kontroli, u skladu s instrukcijama Centralne harmonizacijske jedinice Ministarstva finansija i trezora BiH.
- (2) Institucije BiH u čijem sastavu djeluju jedinice interne revizije, kao i jedinice interne revizije, dužne su dostaviti Centralnoj harmonizacijskoj jedinici Ministarstva finansija i trezora Bosne i Hercegovine izvještaj o realizaciji mjera iz Operativnog godišnjeg akcionog plana koje se odnose na internu reviziju u okviru godišnjih izvještaja o internoj reviziji, u skladu s instrukcijama Centralne harmonizacijske jedinice Ministarstva finansija i trezora Bosne i Hercegovine.
- (3) Centralna harmonizacijska jedinica Ministarstva finansija i trezora Bosne i Hercegovine izvještava Vijeće ministara Bosne i Hercegovine o realizaciji mjera i aktivnosti iz Operativnog godišnjeg akcionog plana prema utvrđenim indikatorima uspješnosti u posebnom poglavlju u konsolidiranim godišnjim izvještajima o sistemu interne revizije i finansijskog upravljanja i kontrole u institucijama BiH za 2025. godinu.

Član 5.

(Objavljivanje)

- (1) Odluka i Operativni godišnji akcioni plan objavljuju se na internet stranici Centralne harmonizacijske jedinice Ministarstva finansija i trezora BiH <https://chj.mft.gov.ba> (u rubrici *Registar propisa za PIFC*), odnosno na internet stranici Ministarstva finansija i trezora Bosne i Hercegovine (www.mft.gov.ba), u dijelu koji se odnosi na Centralnu harmonizacijsku jedinicu.

- (2) Centralna harmonizacijska jedinica Ministarstva finansija i trezora Bosne i Hercegovine obavijestit će sve institucije o donošenju i objavljivanju Odluke o donošenju operativnog godišnjeg akcionog plana.

Član 6.

(Stupanje na snagu)

Ova odluka stupa na snagu danom donošenja.

DIREKTOR

Njegoš Pavlović, s.r.

Dostaviti:

- koordinatorima za FUK u institucijama BiH,
- jedinicama interne revizije u institucijama BiH,
- internet stranica,
- a/a.